



Protocol nr.6

dalla radunonza annuala dalla cumionza Vrin

dils 03.03.2017, allas 20.00 uras en casa da scola

Presents: 32 votants (as)

Tractandas:

1. Beinvegni ed elecziun da dumbravuschs
2. Prelecziun ed approbaziun dil protocol dils 22.04.2016
3. Rapport annual 2016
4. Quen annual 2016
 - presentaziun
 - rapport dils revisurs
 - approbaziun e descharscha
5. Preventiv 2017
6. Elecziuns
 - suprastonza
 - revisurs da quen
 - cumissiun Fondo Greina
7. Activitads per 2017
 - propostas
 - discussiun e decisiun
8. Varia

1. Beinvegni ed elecziun da dumbrauschs

La presidenta arva la radunonza annuala cun far in cordial beinvegni als presents ed als novs commembers. Sco emprem vegn regurdau en in mument da silenzi da nos defuncts Bruno Casanova e Fernando Caviezel.

La presidenta orientescha che l'uniun dumbra actualmein 95 commembers.

Perstgisas: Gabriel e Käthy Alig, Richard e Leonora Caminada, Wolfgang Caminada, Reto Soler, Andri Casanova, Simona Caviezel, Conny Schiebel, Matthias e Philip Vincenz.

Sco dumbrauschs vegnan Emma Gabriel ed Arno Pelican proponi ed elegi unanim.

2. Prelecziun ed approvaziun dil protocol dils 22.04.2016

Il protocol vegn prelegius ed approbaus unanim.

3. Rapport annual 2016

La presidenta prelegia lur rapport annual dil 2016.

4. Quen annual 2016

La cassiera presenta il quen 2016 che munta entradas da frs. 4'519.00.- ed expensas da frs. 4'530.25.

La facultad dalla cumionza Vrin dils 31.12.2016 cun ina reserva da frs. 5'000.- per numns locals ord il fondo Greina munta a frs. 12'905.85 .-

La facultad dil fondo Greina munta a frs. 377'075.20.-

Il conto da pastiras ei vegnius surdaus alla cumionza da purs.

Ils revisurs da quen han dau giu lur rapport en scret e proponan alla radunonza d'approbar il quen e dar descharscha alla suprastonza. La radunonza suonda a quella proposta ed approbescha il quen 2016 unanim.

5. Preventiv 2017

Il preventiv 2017 preveda entradas da frs. 3'200.00.- ed expensas da frs. 3'650.00.

Aschia resulta in surpli d'expensas da frs. 450.-

6. Elecziuns

En suprastonza ha ei dau 2 demissiuns: Jovita Vincenz e Ronnie Caminada.

Sco niev commember da suprastonza vegn Martin Sgier proponius ed era elegius unanim.

Per il secund commember da suprastonza vacants dat ei entginas propostas, denton negin stat a disposiziun. Negin vul surprender il presidi. Suenten ina pintga discussiun vegn decidiu da mirar era cun commembers ch'eiin buca presents alla radunonza sch'il interess fuss avon maun da surprender quei uffeci.

La cassiera Martina Caviezel vegn reelegida unanim.

Ils revisurs da quen sco era ils commembers dalla cumissiun fondo Greina vegnan reelegi.

7. Activitads per 2017

Ei dat 2 propostas sco activitads 2017, numnadamein: - apero da daniev e far in viadi.

Per omisduas propostas ei la decisiun da sustener quei.

Per il viadi vegn decidiu da metter ina gruppa d'organisaziun. En quella gruppa d'organisaziun vegnan elegi: Jovita Vincenz, Gion Antoni Caminada e Ronnie Caminada.

8. Varia

La presidenta orientescha ch`ei dat suenter la radunonza la pusseivladad da prender investa dallas fotografias da panorama en sala da gimnastica sco era da retscheiver ils cudischs dalla scola a Vrin, quei tut tier in pign apero offerius dalla presidenta.

La radunonza annuala vegn serrada cun giavischar in bien appetit tiel apero, pli tard bien retuorn a casa e bien engraziament pil cumparer allas 21.10 uras.

Vrin ils 25.03.2017

Igl actuar: Ronnie Caminada

La presidenta: Jovita Vincenz
